



ბრძანება № 1-49

გორი

30 07 2024 წ.

სსიპ-გორის სახელმწიფო უნივერსიტეტში 2024-2025 სასწავლო წლის შემოდგომის სემესტრის მობილობის/შიდა მობილობისა და სტუდენტის სტატუსის აღდგენის პროცესის ადმინისტრირებასთან დაკავშირებული ვადების განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, საქართველოს განათლებისა და მეცნიერების მინისტრის 2022 წლის 30 აგვისტოს N99/5 ბრძანებით დამტკიცებული „საჯარო სამართლის იურიდიული პირის - გორის სახელმწიფო უნივერსიტეტის წესდების“ მე-15 მუხლის 1-ლი და მე-7 პუნქტების, საქართველოს განათლებისა და მეცნიერების მინისტრის 2010 წლის 04 თებერვლის №10/5 ბრძანებით დამტკიცებული „უმაღლესი საგანმანათლებლო დაწესებულებიდან სხვა საგანმანათლებლო დაწესებულებაში გადასვლის წესის“, სსიპ განათლების მართვის საინფორმაციო სისტემის უფროსის 2024 წლის 18 ივნისის №1.1/73 ბრძანების, სოციალურ მეცნიერებათა, ბიზნესისა და სამართალმცოდნეობის ფაკულტეტის დეკანის (N880134, 18.07.2024), განათლების, ზუსტ და საბუნებისმეტყველო მეცნიერებათა ფაკულტეტის დეკანის (N871874, 17.07.2024) და ჰუმანიტარულ მეცნიერებათა ფაკულტეტის დეკანის (N848597, 11.07.2024) სამსახურებრივი ბარათების საფუძველზე

**ვ ბ რ ძ ა ნ ე ბ ა :**

1. განისაზღვროს სსიპ-გორის სახელმწიფო უნივერსიტეტში 2024-2025 სასწავლო წლის შემოდგომის სემესტრის მობილობის ვადები:

ა) მობილობის მსურველთა განცხადებებისა და დოკუმენტების მიღება - 2024 წლის 11 სექტემბერი - 17 სექტემბერი;

ბ) მობილობის მსურველთა მიერ ათვისებული კრედიტების უნივერსიტეტის ფაკულტეტის მიერ აღიარება (თავსებადობის დასკვნების შედგენა) - 2024 წლის 18 სექტემბერი - 19 სექტემბერი;

გ) კრედიტების აღიარების დასკვნაზე (თავსებადობის დასკვნაზე) მობილობის მსურველთა თანხმობის განცხადებების მიღება და ხელშეკრულებების გაფორმება - 2024 წლის 20 სექტემბერი;

დ) მობილობის წესით უნივერსიტეტში ჩასარიცხ პირთა შესახებ რექტორის ბრძანების პროექტის უმაღლესი განათლების მართვის საინფორმაციო სისტემაში ელექტრონულად ასახვა - 2024 წლის 23 სექტემბერი.

2. მობილობის მსურველ სტუდენტთა განცხადებას თან უნდა დაერთოს პირადობის დამადასტურებელი მოწმობის ასლი და უმაღლესი საგანმანათლებლო დაწესებულების მიერ დამოწმებული შემდეგი დოკუმენტები:

ა) სტუდენტის სტატუსის განმსაზღვრელი ყველა სამართლებრივი აქტი;

ბ) სტუდენტის სასწავლო ბარათის ასლი;

გ) უცხო ქვეყანაში მიღებული განათლების აღიარების დამადასტურებელი დოკუმენტის ასლი (ასეთის არსებობის შემთხვევაში);

დ) სტუდენტის მიერ გავლილი სასწავლო კურსების სილაბუსები;

ე) სრული ზოგადი განათლების დამადასტურებელი დოკუმენტის - ატესტატის ასლი.

3. უნივერსიტეტში ჩარიცხვის შემდეგ სტუდენტი ვალდებულია წარმოადგინოს პირადი საქმე, რომელიც უნდა მოიცავდეს:

ა) სრული ზოგადი/უმაღლესი განათლების დამადასტურებელი მოწმობის დედანს;

ბ) სტუდენტის სასწავლო ბარათს;

გ) ვაუჩისათვის სამხედრო აღრიცხვაზე ყოფნის დამადასტურებელ დოკუმენტს.

4. განისაზღვროს სსიპ-გორის სახელმწიფო უნივერსიტეტში 2024-2025 სასწავლო წლის შემოდგომის სემესტრის შიდა მობილობის ვადები:

ა) შიდა მობილობის მსურველთა განცხადებებისა და დოკუმენტების მიღება - 2024 წლის 11 სექტემბერი - 17 სექტემბერი;

ბ) შიდა მობილობის მსურველთა მიერ ათვისებული კრედიტების უნივერსიტეტის ფაკულტეტის მიერ აღიარება (თავსებადობის დასკვნების შედგენა) - 2024 წლის 18 სექტემბერი - 25 სექტემბერი;

გ) კრედიტების აღიარების დასკვნაზე (თავსებადობის დასკვნაზე) შიდა მობილობის მსურველთა თანხმობის განცხადებების მიღება და ხელშეკრულებების გაფორმება - 2024 წლის 26 სექტემბერი - 27 სექტემბერი;

დ) უნივერსიტეტში შიდა მობილობით ჩასარიცხ პირთა შესახებ რექტორის ბრძანების გამოცემა - არაუგვიანეს 2024 წლის 30 სექტემბერი.

5. საგანმანათლებლო პროგრამების მიხედვით შიდა მობილობისათვის გამოყოფილი ვაკანტური ადგილები განისაზღვროს ფაკულტეტების მიხედვით, დანართი 1, დანართი 2 და დანართი 3-ის შესაბამისად.

6. 2024-2025 სასწავლო წლის შემოდგომის სემესტრში აღდგენის მსურველი პირი, ვალდებულია სათანადო განცხადება რექტორის სახელზე წარმოადგინოს 2024 წლის 30 სექტემბრის ჩათვლით.

7. აღდგენის მსურველი პირი, აღდგენაზე თანხმობის შემთხვევაში, მასზე ინდივიდუალური ადმინისტრაციულ-სამართლებრივი აქტის გამოცემაზე ვალდებულია უნივერსიტეტის ანგარიშზე გადაიხადოს 100 (ასი) ლარი, რომელიც მას ჩაეთვლება წინსწრებით გადახდილ თანხად მომავალი სასწავლო სემესტრის ანგარიშში.

8. უნივერსიტეტის ფაკულტეტებმა, ხარისხის უზრუნველყოფის სამსახურმა, სასწავლო პროცესის მართვის სამსახურმა და საგანმანათლებლო დაწესებულებების რექტორის ადმინისტრატორმა უზრუნველყონ მობილობის/შიდა მობილობის პროცესის წარმართვა კანონმდებლობით დადგენილი წესით.

9. ეს ბრძანება განთავსდეს უნივერსიტეტის ოფიციალურ ვებგვერდზე და განთავსდეს უნივერსიტეტში ყველასთვის თვალსაჩინო ადგილებზე, მისი საჯაროობისა და დაინტერესებულ პირთათვის ხელმისაწვდომობის უზრუნველყოფის მიზნით.

10. უნივერსიტეტის კანცელარიამ უზრუნველყოს ამ ბრძანების გაცნობა დაინტერესებული პირებისა და შესაბამისი სტრუქტურული ერთეულებისათვის.

11. ეს ბრძანება ძალაში შევიდეს კანონით დადგენილი წესით.

12. წინამდებარე ბრძანება დაინტერესებული პირის მიერ შეიძლება გასაჩივრდეს კანონმდებლობით დადგენილი წესით ძალაში შესვლის დღიდან 1 თვის ვადაში გორის რაიონულ სასამართლოში (მისამართი: გორი, ჯორბენაძის ქ. N30).

რექტორი



ალექსანდრე მღებრიშვილი

სოციალურ მეცნიერებათა, ბიზნესისა და სამართალმცოდნეობის ფაკულტეტი

№	საფეხური	საგანმანათლებლო პროგრამის დასახელება	მისანიჭებელი კვალიფიკაცია	ვაკანტური ადგილების რაოდენობა	პროგრამაზე მიღების წინაპირობა (არსებობის შემთხვევაში)
1	ბაკალავრიატი	სამართლის საბაკალავრო საგანმანათლებლო პროგრამა	სამართლის ბაკალავრი	30	-
2	ბაკალავრიატი	ტურიზმის საბაკალავრო საგანმანათლებლო პროგრამა	ბიზნესის ადმინისტრირების ბაკალავრი ტურიზმში	20	-
3	ბაკალავრიატი	ფსიქოლოგიის საბაკალავრო საგანმანათლებლო პროგრამა	ფსიქოლოგიის ბაკალავრი	25	-
4	ბაკალავრიატი	საჯარო მმართველობის საბაკალავრო საგანმანათლებლო პროგრამა	საჯარო მმართველობის ბაკალავრი	25	-
5	ბაკალავრიატი	ბიზნესის ორგანიზაციისა და მართვის საბაკალავრო საგანმანათლებლო პროგრამა	ბიზნესის ადმინისტრირების ბაკალავრი	40	-
6	ბაკალავრიატი	ეკონომიკის საბაკალავრო საგანმანათლებლო პროგრამა	ეკონომიკის ბაკალავრი	15	-
7	ბაკალავრიატი	სასტუმროს მენეჯმენტის საბაკალავრო საგანმანათლებლო პროგრამა	ბიზნესის ადმინისტრირების ბაკალავრი ტურიზმში	20	-
8	მაგისტრატურა	სამართლის სამეცნიერო საგანმანათლებლო პროგრამა	სამართლის მაგისტრი	10	სამართლის ბაკალავრი
9	მაგისტრატურა	ბიზნესის ორგანიზაციისა და მართვის სამეცნიერო საგანმანათლებლო პროგრამა	ბიზნესის ადმინისტრირების მაგისტრი	15	-
10	მაგისტრატურა	საჯარო მმართველობის სამეცნიერო საგანმანათლებლო პროგრამა	საჯარო მმართველობის მაგისტრი	15	-
11	მაგისტრატურა	სასტუმროს მენეჯმენტის სამეცნიერო საგანმანათლებლო პროგრამა	ტურიზმისა და მასპინძლობის მენეჯმენტის მაგისტრი	5	-

ჰუმანიტარულ მეცნიერებათა ფაკულტეტი

უმაღლესი განათლების საფეხური	საგანმანათლებლო პროგრამის დასახელება	მისანიჭებელი კვალიფიკაცია	შიდა მობილობის კონტინგენტი
ბაკალავრიატი	ისტორიის საბაკალავრო საგანმანათლებლო პროგრამა	ჰუმანიტარულ მეცნიერებათა ბაკალავრი ისტორიაში	5
	ქართული ფილოლოგიის საბაკალავრო საგანმანათლებლო პროგრამა	ჰუმანიტარულ მეცნიერებათა ბაკალავრი	5
	ინგლისური ფილოლოგიის საბაკალავრო საგანმანათლებლო პროგრამა	ჰუმანიტარულ მეცნიერებათა ბაკალავრი	5

განათლების, ზუსტ და საბუნებისმეტყველო მეცნიერებათა ფაკულტეტი

№	საგანმანათლებლო პროგრამა	ვაკანტური ადგილების რაოდენობა	მისანიჭებელი კვალიფიკაცია
1	ინფორმატიკის საბაკალავრო საგანმანათლებლო პროგრამა	3	ინფორმატიკის ბაკალავრი
2	ბიოლოგიის საბაკალავრო საგანმანათლებლო პროგრამა	3	ბიოლოგიის ბაკალავრი
3	სპორტის საბაკალავრო საგანმანათლებლო პროგრამა	10	სპორტის ბაკალავრი
4	ზოგადი განათლების დაწყებითი საფეხურის მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამა	5	განათლების მაგისტრი
5	მათემატიკის საბაკალავრო საგანმანათლებლო პროგრამა	2	მათემატიკის ბაკალავრი